


宋元明清傳記
資料叢刊系列

宋代傳記 資料叢刊

本社影印室輯

北京圖書館出版社



宋元明清傳記
資料叢刊系列

宋代傳記 資料叢刊

本社影印室輯

44

北京圖書館出版社

第四十四冊目錄

文丞相督府忠義傳	宋·鄧光薦撰	一
宋大臣年表	明·萬斯同撰	三五
宋中興學士院題名錄等二種	宋·何異撰	一〇五
學士年表	清·吳廷燮撰	一九三
南宋制撫年表	清·吳廷燮撰	二二九

文丞相督府忠義傳附卷之六

宋 禮 部 侍 郎 鄧 光 薦 誤

明 翰林院庶吉士武進後學鄭鄖評點

趙時賞、和州宗室也、武舉、歷任知池州、旌德縣、以功名自負、抗敵數有功、入閩行朝、擢知邵武軍、自同督府建隨府、典軍、神采明雋、議論慷烈、空坑之敗、走三吳、溪被執、其事見丞相年譜、至隆興、遇害、時賞在軍中、見同列盛輜、重飭侍姬、嘆曰、軍行如春遊、其能濟乎、及被

執有係累而至者，輒麾去之。云：小僉職耳，執此何爲？由是得脫者衆。官至直寶章閣，軍器監同督府叅議官。

鞏信，安豐軍人，荆湖老將也。沉勇有謀，同督府見信爲都統制，兼江西招捕使，行府永豐兵潰北，兵追及丞相於廬陵，方石嶺下。信駐隊據險，殊死戰，體中數箭，殺敵過當，傷重而死。土人收葬之。事聞，贈清遠軍承宣使，立廟戰所。至今廟食。水旱疾疫，禱焉。信初至，丞相付

以義士千人信曰此等何用徒纏手耳遂自
招募淮卒數千自隨常怏怏曰有將無兵其
如彼何

鄒瀨字鳳叔吉水人也以豪俠行臺郡間貌癯
寢挾枯龜不類貴將從丞相勤王補武資至
將軍後以寺丞領江西招諭副使聚兵甚盛
寧都陷被執變姓名爲卜者得脫攻興國復
永豐空坑敗竄身谿洞約結酋傑引兵入廣
潮陽敗以丞相被執遂自剄而亡

張汴字朝宗蜀人明銳輕俊嘗從吳丞相潛見
淵於荆湖幕頗習兵事從丞相贛州勤王空
坑敗而歿仕至秘閣修撰廣東提舉同督府
叅謀官

陳龍復泉州老儒也登丙辰進士第沉厚朴茂
有前輩風流敷歷州縣以清勤著名丞相開
府南劍舉辟多知名士如三山林兪林元甫
皆卒汀州龍復以老成重一府聚兵積糧循
梅行府趨潮陽北兵追龍復被執遇害年七

十有三

呂武太平人、丞相陷北營、應募隨從北行、勁烈
喜面折人、然忠鯁、人皆服之、丞相脫鎮江走
淮東、患難中、賴武自壯、及開府南劍、遣武結
約江淮、間關數千里、至汀海、以環衛官將數
千將出江西、歿一軍爲之流涕

繆朝宗、淮人、有意氣、從丞相于平江、反歸福安
朝宗自婺間道來、歸精練、幹寔孜孜奉公、空
坑之敗、自縊而歿、官至環衛知梅州、

尹玉寧，都人，以捕盜功爲贛州三寨巡檢。素驍
勇敢，戰從丞相勤王。至平江，遣玉同淮將張
全、廣將朱華救常州，拒戰五牧。全、華等遁，惟
玉以所部三寨及義士五百人殊死戰。玉手
殺數十人，冒箭如蝟，健鬪無如之何。北軍橫
四鎗於其項，以敲棍擊死之。餘兵夜戰，殺人
馬蔽積田間。及明，惟餘四人脫歸。事聞，贈玉
壕州團練使。官其二子承節、郎，給良田二頃。
立廟于贛州。

劉子俊字民章丞相同里人也相友善領漕貢
從開府興國行府敗子俊收散兵保洞源引
軍入廣會行府潮陽越二十日而行府敗子
俊遇害官至宣教郎帶行軍器監簿同都督
府機宜文字

蕭哲明字元甫吉之泰和人嘗預鄉貢剛毅有
膽氣從丞相汀梅督幕出江西以架閣監軍
收復萬安龍泉行府敗元甫入野陂連結諸
寨爲鄉豪所陷走敗被執遇害於隆興臨刑

大罵不絕口，南北壯之。

劉洙字淵伯，丞相隣曲，丞相喜象奕，洙雖不敵，然窮思忘日夜，言趣俚下，亦以是好之。從勤王號劉監軍，專將一軍爲督帳，親衛圓機，應物酬答不倦。會病劇，乍起空坑之敗，執詣隆興，與長子同日受害，次子歿亂兵，幼子沒於廣。

杜澣字貴卿，號梅壑，天台人，游俠于臨安及臨安危，糾合義兵四千人，當國者不省，二年正

月十三日見丞相西湖上丞相獎異之丞相使北營、許力爭不可、陳志道逐之去、丞相北行、諸客莫敢從、許慨然請行、丞相鎮江脫走、許之力也、忠勞備盡、詳著丞相年譜、及佐府南劍、遣往溫台、招集兵財、福安陷、許趨行朝、奉朝命歸行府、江西敗、又與跋涉危難者、年餘、移屯潮陽、許護海舟、官富場、至厓山、及厓山潰、許被執、至廣州、貧病無人色、尋卒、

陳繼周字碩卿、寧都人、以貢士有軍功、歷仕州

縣者二十八年、家居贛郭中、韶勤王、丞相造門問計、繼周具言閩里豪傑子弟、與凡起兵方畧甚詳、其子大學生逢父亦晝夜叅預、籌畫調度、繼周雖弱不勝衣、以年輩爲鄉里所推服、率贛義士以從、至京、丞相使北營、有旨放散義兵、繼周父子領衆歸、則贛已失守、繼周螫兵於農、盤辟草莽、將以有爲也、會景炎登極、以繼周知南安軍、八月二十二日、贛州總管楊子襲執繼周父子殺之、事聞、旨贈敷

文閣侍制、謚忠節、與諸子恩澤、候事平立廟
本州、次子桀、從丞相攻江西、死循潮間、其家
人、死亂兵、惟繼、周幼女廉、桀之子英、生在繼
周、兄子逢春、投拜爲萬戶、入燕間、見丞相于
千戶所、丞相爲書繼周遺事、作行狀、後數日
而丞相遇害、

林琦、閩士也、丞相屯餘杭、琦結集赭山、忠義捍
禦海道、及南劍、開府、琦就辟、外文采、內忠實、
患難勞而不怨、權惠州通判、潮陽敗、琦被執、

逃奔惠州，又被獲，鎖其項，至建康病卒。

謝杞，秘書郎，大學名士，督府幹辦架閣許由、李幼節皆閩士之秀，俱登進士第，以文采望一府，空坑之敗，莫知所終。今傳有睇髮集，豈臯羽即其人乎？

吳文炳，林棟，皆閩士，有幹實，俱爲督府幹辦，帶架閣，空坑之敗，被執，至隆興，遇害。樊錄判言：文炳受刑時，吏卒摔辱之，文炳笑而謂之曰：我與爾亦各爲其主耳，爾何辱我爲？至死不

屈

劉欽字敬德，吉水雋人也。預鄉貢，有志氣，健議論，與丞相友善。行府至汀，欽來寧都，就招諭使鄒鳳北軍奄至，歿亂兵，同歿者鞠華、叔顏、斯立、顏起、岩，皆吉之英俊。欽死，其父母妻子皆以流離終。

曾鳳，字朝陽，廬陵人。丞相嘗從鳳學，自太學釋褐，爲衢州教授，累遷國子監丞，隨行府之汀。丁丑春，添差梅州通判，以病卒於汀。

張雲吉州敢勇軍將官，從丞相勤王，丞相奉使，
拘留北營，張引衆歸鄉里，吉城已降，雲不勝
憤，丙子七月，引所部夜襲上營前，擊戰北軍
數百人，北軍不測其衆寡，與殺於南柵門外，
雲衆舉砲發噉，適北軍經過者來，援雲表裏，
受敵會天明戰，渴赴江飲，北軍衝擊之，雲衆
溺而歿。

孫卓字實甫，龍泉人，丞相長妹夫也，丞相兵出
興國，其邑人奉卓以邑返，正北軍來攻，衆拒